

20.10.2020

UKA2020/119

Immap naasuunik tunisassiornerup pilersinnissaanut annertusaanissamullu tunngatillugu misileraanernut aningaasaliissutaasartussat siunertamut tulluarnerusumik qanoq ilusilerneqarsinnaanerit atuutsinneqarsinnaanerallu pillugit nassuiaamik Naalakkersuisut saqqummiusseqqullugit peqquneqarnissaanik Inatsisartut aalajangiiffigisassaattut siunnersuut. Ilaatsigut kommunit inuussutissarsiortullu misilittagaat nassuiaammut ilaatinneqassapput. Nassuiaat UKA2021 sioqqullugu Inatsisartunut agguanneqassaaq, tamaalilluni nassuiaammi inernilunneqartut AIS2020-ip suliarineranut ilanngunneqarniassammata.

(Partii Naleqqap, Inatsisartunut ilaasortaaitai)

Immap naasuunik tunisassiornerup pilersinnissaanut annertusaanissamullu il.il. tunngatillugu nassuiaammik Naalakkersuisut saqqummiusseqqullugit peqquneqarnissaanik Inatsisartut aalajangiiffigisassaattut siunnersuut, Partii Naleqqap Inatsisartuni ilaasortaaitaanit saqqummiunneqartumut qutsavigaagut imatullu Siumumiit oqaaseqarfigissavarput.

Immap naasuunik Nunatsinni imminut pilersornerulernissaaq Nunattalu avataanut tunisaqarlualernissaaq sulissutigiuartariaqarpoq, taamatut inuuniuteqarniarlutik siunniussaqaarsimasut ataatsimik saaffigisaqartalernissaat anguneqartariaqarpoq, imaangitsoq saaffissat tamarmik immikkut inissisimasut tassa imaalertariaqarpoq saaffik ataaseq (one Door) matu ataaseq sinnerinut saaffissanut tamanut saaffiginnissussisoq saaffiginnittoq sinnerlugu, taamaasiornikkut saaffiginnittumut suliariniakkat oqinneruleqqullugit (one Door)

Siumumiit maluginiakkatta ilagaat siunnersuuteqartumut assingusumik Naalakkersuisut aallartitserersimanerartut, tassami pineqartoq inuussutissarsiutitut Nunatsinni nutaajuvoq siuarsagassaallunilu, Aalisarnerunngilaq aamma Piniarnerunngilaq kiisalu Nunalerinerunani taamaannera tunngavigalugu aqqudit allat atugassaapput, tamakkulu naleqqussarfigalugit Inatsisit, peqqussutit, nalunaarutillu nalimmassagassaapput, aningaasatsigullu ingerlaarfiit qulaajagassaallutik soorlu aamma attarsisarfiit tapiisarfiillu eqqarsaatigalugit.

Inuussutissalerinermillu aqutsiveqarfik aamma avaqqunneqarsinnaanani tamakku tamarmik naleqqussarfigisariaqarput, aallarnisaasumullu ikiortip saaffigisap qulaajaasussinissaa anguneqartariaqarpoq aallarnisaasumut nukippassuit atoqqaarnagit anguneqarsinnaasunngorlugu, Nunaqarfiit ilaat taamatut ingerlatsiviusinnaanerit aamma qulaajaavigineqarnissaa Siumumiit aamma pigaartsitatta ilagaat.

Taamatut naatsumik oqaaseqarluta Naalakkersuisut suliassamik aallartitserersimanerarlutik itigartitsinerat Siumumiit taperserparput, neriulluta suliamik aallartitsinerarnertik pimoorukkaat.

Qujanaq

Henrik Fleischer, Siumut